

地 310.43

33.1

11



重印永安縣志

陳儀



中華民國廿九年一月重印

永安縣志
及續志

葉長青

重印永安縣誌序

客秋余自沙縣奉調永安水故爲沙浮流司地形勢險要盜賊巢穴其間官民睽隔無以葺奸宣惠明正統間右侍郎薛公希聖等奏請以其地另設治景泰三年始析沙縣新領以南尤溪寶山以西地置縣命名永安清仍之改制二十七年夏抗倭軍興省主席陳公以舊會垣瀕海易啓覬覦又永居閩中地多未闢因建議中樞遷治斯邑所以安安全全圖開發也報可於是公路四通官廨林立而永之氣象宏侈矣舊有縣志自萬歷始一修於順治九年之陳延樞重修於雍正壬子之裘樹榮續志於道光甲午之孫義距今百有餘年矣迭經烽火燹舊志蕩然余從鄭君祥符處獲閱重修本及續志原本字跡殘瀾亟與邑熱心人士謀付手民俾復舊觀焉考周官外史掌四方之志司會掌郊野縣鄙書契版圖之貳黨正屬民讀法書其德行道藝閭閻比衆書其敬敏任恤誦訓掌道方志以詔觀事掌道方志以詔避忌以知地俗小史掌邦國之志形方掌邦國之地域中師川師各掌山林川澤之名原師掌四方之地名辨其邱陵原隰之名是縣志乃古國史而後之作者莫明本義流入於地理家言甚或多錄藝文務矜藻飾斯文勝之弊無與史裁余曩窺志畧頗詳利弊發凡起例意求折中曾著書數十萬言商正海內明達而公餘尙願隨都人士之後重修此志庶後之覽者得考鑑焉雖然烽火彌天簿書散掌榮風非朝夕可期擗管少專精之暇欲觀厥成又談何容易哉

中華民國二十九年一月葉長青序於永安縣政府不忘寮

重印永安縣誌

卷之首序 姓氏 藝凡

一

環球印書館承印

叙

永安開縣自明景泰始縣之有志自明萬歷始逮我

朝順治九年陳延樞脩之雍正壬子裘樹榮復修之文物典章燦然備矣乃距今百年罕踵武者辛卯春義權是邑宰索閱邑乘藏之者稀因而檢查舊版多模糊殘缺訂正維艱會省垣設局脩志爲採訪百餘年來未入舊帙者准省頒體例別爲續志若干卷復與衆紳士參校原鐫朽者更之闕者補之閱半載而功畢義簿書少暇未敢繼起前人而綴庵諸君子之司其成者都人士實利賴之焉時

道光甲午春 月樸堂孫義書於燕江官舍

國朝雍正十年壬子纂脩姓氏 纂脩 永安縣知縣宛平裘樹榮 協纂 甲辰科進士邑人劉元暉 癸

卯科舉人邑人鄧憲文 協脩 署教諭舉人晉江陳錫炎 訓導長汀黎基遠 參訂 邑候選州同龔

大燦 邑太學生賴邦光 邑歲貢生陳錫璫 郡歲貢生朱 琪 分纂郡庠生嚴萬懷 邑廩生邢輝

運 校正 邑廩生鄧廷顯 邑廩生黃嘉鯤 邑廩生陳志偉 邑庠生陳桂林 督刊 永安縣典史

順天張國芬 湖口司巡檢順天張邦傑

藝凡 四則

邑之有志士田戶口於是乎稽人民政事於是乎寄古所謂圖籍也永安自明景泰開縣迄今近三百年縣志一泯於萬歷間蘇公民望一倚於順治間陳公延樞今又八十年矣循誦習傳安乎其故凡因革損益之間

聞見淺局疑信參半茲合稽二志旁引府志以及近代之典章文物先民之記載睹聞彙帙成書標之曰新
語亦不過仍其舊而新之也云爾夫新語稱也舊而新之則非僭也

志始於漢班氏班之十志皆彙其事而以已意裁成之今縱不能叙議錯行首尾竟幅希班書若仍零雜碎
掇舛逆錯互此直屠酤鐘賤老胥吏所不爲奚煩授柬乎今徧徵名志每事附體綴爲一篇聯爲一集每篇
有宜總叙者或詳或簡采摭舊聞叙次篇首上冠引言下參微論非敢曰言之有文也得免固陋之譏足矣
志非史也然可爲史之料亦史之遺一邑之中天道地道人道備焉而天文地理皆以人事爲之綱維故宣猷
贊化以權爲尊敦本厲俗以道爲準所謂國於天地必有與立也永昌志書宣城處百年肇造之後風氣初
道吳興在三劫方消之餘蒐羅尙闕今茲遐稽博采耳治昌治其事之有裨風教者固皆照耀簡編可以陳
之 轡軒上之史館其餘一名一行乎實蹟者亦固有所缺遺勿私勿隱夫亦猶行史家之志也夫
志例有藝文永昌舊志亦然今悉取碑版之文咏調之什分隸本事併本景之下附以近代佳手各卷類然其
前賢之縑帙先輩之瑤篇皆載在本人傳末有集可傳不另贅非曰永志不載藝文也亦以山川景物互相
輝映其爲藝文重也不已多乎

槐夏初吉書於燕江官舍之承恩樓

公捐修葺邑志之修雖出長令倡始亦係通邑樂輸盛舉既在一時實蹟卽存百代故將公啓附發凡後

永安縣誌自順治九年編輯以後距今八十年闕然不講近奉 旨纂修一統志 命各直省彙纂通志進

重印永安縣志

卷之首 發凡 公啓 目錄

二環珠印書館承印

呈大典煌煌而邑獨無成書可乎爰與學博

陳君 黎君酌議襄事但編摩侵染所費不貲長吏綿力不能獨辦惟 賢士大夫爲此邦之望必皆踴躍協贊樂觀厥成庶衆望易舉獨宰斯土者之慶亦一邑之光也所有公捐款目開列於左


一鄉官	題名喜金	一甲榜鄉榜	題名喜金	武科同	一恩拔副歲	題名喜金
一候選貢監	題名喜金	一國學生	題名喜金			

壬子花朝植菴裘樹榮啓

此係通邑樂輸不按須知名冊除順治九年以前志書已列名外喜金到者隨即登名倘或未預無暇考非關邑宰之缺遺也



新修永安縣志目錄

輿圖	卷之一	星野	氣候附	卷之二	建置	疆域	卷之三	山川	風俗	節序附
卷之四	城池	公署	卷之五	賦役	物產	卷之六	學校	祠祀	寺觀仙釋附	卷之七
秩官	名宦	宦蹟	武備	卷之八	選舉	進士	鄉舉	貢生	薦辟	職監
國學	撥仕	例官	附鄉賓	地	封	武科	武功附	儀賓	內官附	卷之九
人物	先憲	名達	鄉行	文學	華義	忠烈	一行	烈女	大	年方技
卷之十	稽古	祥異	古蹟附	勝概						



興圖



城池圖



永安縣志

縣衙



三 燕江馮叔超繪



永安縣志


儒學

四 燕江馮叔超繪



永安縣志

五 燕江馮叔超繪



永安縣志

六 燕江馮叔超繪

雲半庵




永安縣志

修竹灣



七 燕江馮叔超繪



永安縣志

桃源洞



八景江馬叔超繪



永安縣志

枹欄寺

九 燕江馮叔超繪



永安縣志

建旗峯



十

燕江馮叔超繪



永安縣志



十一
燕江馮叔超繪

貢堡之圖

永安縣志



十二 燕江馮叔超繪

重印永安縣誌卷之一



星野 禹貢九區星分地奠兆徵機祥占察時變孰云山城黑子着面南斗光華泰階清晏四氣節宣誕膺天眷志星野 周禮保章氏掌天星以星土辨九州之地所封域皆有分星以觀妖祥 帝王世紀曰黃帝受命乃推分星次以定律度自斗十度至婺女七度日星紀於辰爲丑謂之赤奮若於律爲黃鐘斗建在今吳越分野爾雅星紀斗牽牛也郭注牽牛斗者日月五星之所終始故謂之星紀漢天文志牽牛婺女揚州晉書九江入斗一度泗水八女一度會稽入牛一度此古今分野諸書所共祖者 今按九江泗水與本地遠延平原屬會稽故前皆以牛爲分星延舊府志其域揚州其星牛女 今按一度二千九百餘里以揚州星紀之次周圍及萬里猶不能盡斗牛女三宿之度合延之地不抵一度之半而謂兼繫二宿殊屬未安廣輿諸書與明初一統志皆謬 邑舊志據一統志以起斗四度至二十二度爲吳分以牛及女一度零爲越及閩廣分則閩廣度當在牛六七度之間 按此較府志爲近是然亦非也 今依 皇清欽定萬年歷定爲天文斗宿分野

附氣候

閩在東南去中州中和之氣爲遠而去西北遠甚故雖隆冬盛寒無墜指裂膚者而永據延郡上游於豫章會稽稍近故熱亦無四時皆夏之酷然多深山大麓環繞面背喬木叢箐爲之障蔽洲泉甘澗爲之灌溉大抵晴則煖雨則涼寒暑亦因之先春有競實之花後冬有長春之樹窮山則擁絮於六月陰崖則積雪於三冬溪霧則晝昏

重印永安縣誌

卷之一

星野

附氣候

環球印書館承印

而高山爽朗山嵐則日晴薄地清明氣候大率如此若夫三春多霖仲夏暴漲今昔不殊惟向時春煖則霽寒則雨今或高空肅肅乃占晴明一或薰融謝續潏鬱立雨矣向冬霜皎潔必連旬負暄今或晨起履霜日中執蓋矣往時嚴寒感采御爐飲酒舉室皆春今或噓霜涕凍滴硯生稜物乃有僵絕者又或節在短至向所流金爍石者時或薄寒中人憐慄如秋則又氣候之不可定者也至於里諺所占穀日陰清明晴穀雨雨芒種雨夏至雷中秋月霜降晴諸如此類則自古記之矣不備書

論曰言星野者以斗牛女爲揚州星紀之次其來舊矣後世雖時小有異同然皆依附漢晉諸志總之不離三宿之說焉近今百年間有識之士始有知其舛者然皆狐疑觀望卒無特見發明而術家者流各私所授更復紛然矣迨今 萬年歷出直以牛初度入子而揚州丑域上當斗宿全度略參以箕與古來所傳及漢晉法絕不相沿蓋天體主動歷久漸移理有固然無足怪者至若毗陰毗陽之氣所在皆有涵而煦之歸厥中和自非 聖神孰能光被哉